

Mwaka jana nilikuwa wa mwisho darasani.
Wenzangu walinicheka sana,
eti nimeshika mkia.





“Kadogoo, kwa nini wewe unakuwa wa mwisho darasani?” Mwalimu alimuuliza Kadogoo.



Aliendelea kufikiri
namna ya kubadili
maisha yake.

Aliamua kuchunguza
wenzake darasani.

Aha!

Kumbe wanasoma
vitabu na madaftari.



Alipofika nyumbani,
alimwambia mama
yake angependa
kufanya vizuri
darasani.

Mama alimpa moyo.

Jioni ilipofika alisoma na dada yake.

Dada alimpa maelekezo ya kusoma na kuandika.






“Soma vitabu vya hadithi, fanya kazi za darasani, uliza walimu na rafiki zako kupata msaada zaidi.” Mama alisisitiza.



Siku zilivyokwenda mbele. Kadogoo alijisomea kwa bidii na pia alishirikiana kwa ukaribu na rafiki zake Matata na Jeni.

Wakati mwingine alikwenda
kwa mwalimu kuomba msaada zaidi.

Walimu walimsaidia Kadogoo.





Baada ya muda
walifanya majaribio.

Matokeo yalipotoka,
Kadogoo alikuwa
amefauli vizuri.



Wanafunzi wengine
nao waliongeza bidii
ya kusoma darasani.



Matokeo hayo yalimtia moyo Kadogoo.

Sasa alijisomea kwa bidii zaidi na zaidi.



“Wa kwanza alikuwa Kadogoo!”




Mwisho wa muhula ulipofika, mwalimu alisoma matokeo ya mtihani wa mwisho wa muhula.

Wa tatu alikuwa Matata, wa pili alikuwa Jane na wa kwanza alikuwa Kadogoo.

Kadogoo aliruka kwa furaha. Rafiki zake walifurahi pia.

Mwalimu alimpa Kadogoo zawadi nzuri. Aliwashauri wanafunzi wengine waige mfano wa Kadogoo.



Nyumbani Kadogoo alipongezwa na dada na mama pia.

“Nitajisomea kwa bidii zaidi.”

Kadogoo alijiwekea ahadi hiyo.

